

ՀԱՎՈՐ ՊԱՐՈՆՅԱՆԻ ԱՇԽԱՏԱԿՑՈՒԹՅՈՒՆԸ «ԱՍԻԱ» ԹԵՐԹԻՆ

Ա. Ա. ԽԱՌԱՏՅԱՆ

4. Պոլսում հրատարակվող «Ասիա» թերթի խմբագրությունը Մ. Փորթուգալյանը ստանձնել է 1873 թ. դեկտեմբերի 1-ին՝ փոխարինելով Հ. Խանճյանին։ Նրա խմբագրության ժամանակ «Ասիան» ստացավ առաջադիմական-դեմոկրատական ուղղություն¹, որն արտահայտվեց ազգային լուսավորության ընդարձակ ծրագրի, հետադիմության քննադատության և Արևմտահայաստանի բնակչության հարստահարված վիճակի բացահայտման մեջ։ Իր դիրքորոշումը թերթը հանդես էր բերում նաև ազատությունը ներքողող բանաստեղծություններում («Վտարանդին», «Արտասուք կուսին», «Յավթ իմ», «Հրեշտակ բանբեր Հայաստանյայց» և այլն)², որոնք անստորագիր են, սակայն, կարծում ենք, մատնում են Մ. Փորթուգալյանի հեղինակությունը։ Դրանց մեջ նկատելի է Մ. Նալբանդյանի գաղափարական ազդեցությունը։

Մ. Փորթուգալյանը քանիցս ընդգծել է իր խմբագրած պարբերականի ժողովրդական ուղղությունը և սոցիալ-տնտեսական ու հասարակական կյանքի արատների դեմ պայքարի պատրաստակամությունը։ Ընդ որում, այստեղ ևս ակնառու է «Երկու տողի» ազդեցությունը։ «Հարուստներն ու հարստահարիչները,—գրում է նա,—ոսկեղեն պատեններ կկանգնեն և նոցա հտին կպատըսպարեն գինքեանս, իսկ խեղճ ժողովուրդը բաց հրապարակի վրա մնացած՝ տիրապետներու և խարեբաններու ոտից կոխան է դարձեր անխնա, զոհ է եղել քաղաքական ու կրոնական տգորուկներու։ Ահա այդ խեղճ ու անօգնական ժողովուրդին համար պետք է խոսիլ ու գրել, դորա իրավունքին պաշտպանությունը նվիրված հմք և մեք մեր գրիչը, այդ ժողովուրդին, որ ընդհանրապես աղքատ գործավորներն կբաղկանա։ Դոցա հետ է գլխավորապես, որ կուզեմք խոսիլ ամեն օր մեր թերթով»³։

«Ասիայի» էջերում ևս արտացոլվել է 1870-ական թվականների արևմտահայ դեմոկրատական մամուլի մի բնորոշ գիծը՝ գավառի հայ բնակչության սոցիալական և ազգային դրության լուսաբանումը։ Եթե 1860-ականին առաջադիմական պարբերականները հիմնականում բացահայտում էին Արևմտահայաստանի հայ գյուղացիության ծանր վիճակը՝ որպես հարստահարությունների ու տգիտության հետևանք, ապա խնդրո առարկա ժամանակաշրջանում՝ մերկացումների անմիջական օբյեկտ են դառնում արևմտահայ սոցիալական վերնախավը և թուրքական պաշտոնեությունը։ Իր քննադատական նպատակաուղղվածության մեջ, հետևաբար, արևմտահայ առաջադիմական միտքը դիմում էր հասարակական որոշակիության՝ բացահայտելով հասարակական շարիքի կոնկրետ կրողներին։

«Ասիայի» խմբագիրը կրթոտ պայքար է մղել Եվդոկիայի, Վանի, Օրդուի, Ամասիայի շոռպաճի աղաների դեմ՝ միշտ հավատարիմ մնալով իր դավանանքին և պաշտպանելով հայ աշխատավորների տնտեսական ու հասարակական շահերը։ Եվդոկիայի հայերի հասարակական հակասությունների, խմբակցությունների ընդհարման մեջ «Ասիան» առանձնացնում և ցույց էր տալիս նաև դրանց սոցիալական նշանակությունն ու իմաստը։ Այս պարբերականի էջերում շատ արժեքավոր տեղեկություններ կարելի է գտնել Եվդոկիայի աղաների «կուսակցության», նրանց նպատակների ու գործելակեր-

¹ Գ. Ա. Մ ա դ ո յ ա ն, Գ. Պոլսի «Ասիա» թերթը (Պատմա-բանասիրական հանդես, 1975, № 5, էջ 103)։

² Ասիա, 5, 8, 12, 19. XII. 1873։

³ Ասիա, 29. XII. 1874։

պի մասին: Ինքը՝ Մ. Փորթուգալյանը, լավատեղյակ էր այդ իրականությանը. «Ասիան» խմբագրելուց անմիջապես առաջ նա Եվդոկիայում գլխավորել էր տեղի դեմոկրատական ուժերի պայքարը ընդդեմ աղայական խմբակցության: Շատ նյութերում «Ասիան» մերկացնում էր գաղափարական հարստահարիչների կամայականությունները, ապօրինի հարկերի գանձումը և այլն: Թերթը սատարում էր գաղափարներում գործող լուսավորական-կրթական ընկերությունների գործունեությունը, ցուցաբերելով ոչ միայն համարձակություն, այլև գաղափարական կյանքի ու իրականության իրազեկություն:

Արժեքավոր է «Ասիայի» քննադատական վերաբերմունքը մայրաքաղաքի ազգային սահմանադրական մարմինների նկատմամբ: Թերթը սուր քննադատության է ենթարկել վանեցի Պողոս վարդապետին և ցույց տվել նրա համագործակցությունը տեղական ջոշերի ու թուրքական. իշխանությունների հետ: Դրանով «Ասիան» շարունակում էր դեռևս 1860-ական թվականներին խորացված այն պայքարը, որ հարստահարիչ վարդապետի դեմ սկսել էին Հ. Սրվաճյանը և Մ. Նալբանդյանը «Մեղվի» էջերում: «Ասիան» ուղադրավ պարզաբանումներ է մտցնում նրա անպատիժ մնալու խնդրում. մի հաղորդումից պարզ է դառնում, որ Պողոսին հովանավորում է Կ. Պոլսի բարձրաստիճան կղերի: Այսպես, 1874 թ. օգոստոսի կեսին, անտեսելով այդ վարդապետի անձի տխրահռչակ համբավը, պատրիարքը նրա հետ պատարագել է Կ. Պոլսի մայր եկեղեցում: Մ. Փորթուգալյանը այս կապակցությամբ հիշեցնում է պատրիարքին, որ դեռևս տաս տարի առաջ կրոնական ժողովը, որի ատենապետը այն ժամանակ ինքը՝ Ն. Վարժապետյանն էր, Պողոսին արգելել էր հոգևոր պաշտոն մատուցել՝ ի պատիժ նրա կատարած շարագործությունների⁴:

«Ասիայում» սրտահայտվել է արևմտահայ դեմոկրատական մտքի մյուս դրսևորումը՝ գաղափար հայ ազգաբնակչության նկատմամբ թուրքական պաշտոնյաների բռնությունների մերկացումը: Թերթը վկայում էր այն իրողության մասին, որ իշխանությունները թշնամական վերաբերմունք ունեն հայ բնակչության հանդեպ, որ օրինական պաշտոնավարության փոխարեն նրանք հայերի հետ վարվում են իբրև գերիների ու նվաճվածների: Թղթակցություններում ցույց է տրվում, որ իշխանություններին որևէ խնդրով բողոքելը իսկական պատուհաս էր դառնում Ամասիայի հայերի համար. կաշառակերությունը օրինականության աստիճանի բարձրացրած թուրք իշխանավորները իսկույն գործի էին դնում հայցվորին թալանելու իրենց հայտնի բոլոր միջոցները, անկախ այն բանից, թե որքանով է նա արդարացի: «Հին ժամանակաց պես,—գրում է Թերթը,—բարբարոսություն երևան ելնելու վրա է: Կառավարության դուռը գացող հայր կանարգեն և եթե երևելի պատվաւոր մեկն է՝ կջանան նորա պատիվը կւտրելու և իրաւունքը ոտնակոխ ընելու»⁵:

«Ասիան» համարձակ մերկացումներ արեց նաև Բալուի թուրքական իշխանությունների բռնությունների առթիվ: 1874 թ. հունիսին սրանք բանտարկել էին Բալուի առաջնորդին, որը համարձակվել էր բողոքի ձայն բարձրացնել ի պաշտպանություն հարստահարվող ազգայինների: Առաջնորդը բանտ էր նետվել առանց դատ ու դատաստանի: Մասնավոր այս փաստի միջոցով Թերթը հասնում էր լուրջ ընդհանրացման, ցույց տալով, թե իրականում ինչ արժեք ունեն հայ ժողովրդին թուրքական իշխանությունների ցուցաբերած «վստահության» և իբր նրանց տրված լայն արտոնությունների մասին պաշտոնական դատարկ ձևակերպումները: Թերթը ընթերցողին է հասցրել այդ բռնության դեմ ուղղված բողոք-հանրագիրը, ուր ասվում է, թե «տակավին մեր հայրենյաց մեջ որքան բռնություն և հալածմունք կգործվին... կրոնամոլ թուրքերեն. տերության ո՛ր կանոնով և օրինոք՝ ամբաստանելույն առանց բան մը հարցնելու և առանց երկու կողման բողոքները լսելու և ճշմարտություն վերահասու ըլլալու, կբանտարկեն առաջնորդ մը»⁶:

⁴ Ասիա, 3. IX. 1874:

⁵ Ասիա, 13. IV. 1874:

⁶ Նույն տեղում:

Իշխանությունների համարձակ մերկացումներով «Ասիան» միանում էր Հ. Պարոնյանի «Մեղու» և Կ. Փանոսյանի «Մանգումբի էֆթյար» պարբերականների քննադատական դիրքորոշմանը: Պետք է նկատել, որ թուրքական հարստահարությունների դեմ արևմտահայ դեմոկրատական մամուլի պրոպագանդը այս ժամանակաշրջանում մի հայտնի շահով ծավալվելու հնարավորություն էր ստանում գավառական հարստահարությունների դեմ պատերիարքի և Ազգային ժողովի բողոքի ձևակերպումներով (Մ. Խրիմյանի նախածննած «Տեղեկագիր գավառական հարստահարությանը») և բուն թուրքական կառավարող շրջանների մեջ լիբերալիզմի աշխուժացումով: Հայտնի են այս ժամանակ արևմտահայ մյուս պարբերականների՝ իրենց համարձակությամբ նախագիտ շունեցող այնպիսի ելույթները, որով հայ հրապարակախոսությունը թափանցում էր թուրքական բյուրոկրատիայի այլասերված էություն մեջ («Մեղու», «Մասիս», «Մանգումբի էֆթյար», «Օրագիր» և այլն):

«Ասիան» պաշտպանել է պատերիարք Մ. Խրիմյանին՝ գավառահայերի իրավունքների պաշտպանությանն ուղղված նրա ջանքերի համար: Մ. Փորթուզալյանը անխնայ խարազանել է նրա հակառակորդ «Ղալաթիո օճախին» ու նրա առաջատար գործիչներին՝ Ք. Ղազարոսյանին, Ստ. Փափազյանին, Օ. Խոճասարյանին, Նար. Պեյլին և այլոց, ցույց տվել, որ «սահմանադրական օրինականության» հետ կապված նրանց առարկություններն ու պայքարը Խրիմյանի դեմ, նշանակում է ոտնահարել գավառահայության կենսական շահերը: Այս իմաստով էլ թերթը պաշտպանել է սահմանադրության վերաքննության վերաբերյալ Խրիմյանի առաջարկները, սատարել նրան Օ. Խոճասարյանի և Գ. Ալվազյանի «Օրագիր» և «Մամուլ» պարբերականների հարձակումներին:

«Ղալաթիո օճախի» անդամակիցների սուր քննադատությամբ «Ասիան» անվերապահորեն կանգնում էր Հ. Պարոնյանի «Մեղվի» կողքին: 1870-ական թվականներին արևմտահայ դեմոկրատական մամուլը հետադիմության քննադատության մեջ դնում էր որոշակի իմաստ. մերժվում էր սովորական դարձած այն վերաբերմունքը, որով գավառը դիտվում էր իբրև հոգևոր առաջնորդների պաշտոնի ու եկամուտների աղբյուր և անտեսվում ժողովրդի հարստահարված և իրավազուրկ դրությունը: Բացահայտվում էր նաև այն երեվույթը, որ մայրաքաղաքում պաշտոններ վարող կղերի մի մասը չարաշահում է իր հոգևոր (և վարչական) իշխանությունը՝ հետամտելով քարոզչական տաքուկ պաշտոնների այս կամ այն եկեղեցու: Այստեղից էր ծագում Մ. Խրիմյանի հակառակորդ եկեղեցականների քննադատությունը Հ. Պարոնյանի «Մեղու» և «Թատրոն» պարբերականներում: Այստեղից էր սկսվում նաև Մ. Փորթուզալյանի կտրուկ ընդդիմությունը «Ղալաթիո օճախի» գործիչներին:

Արևմտահայ դեմոկրատիայի հասարակական տրամադրությունները վերհանելիս հայ հասարակական մտքի և հրապարակախոսության վերաբերյալ աշխատություններում հիմնականում մատնանշվում են Հ. Սրվաճյանի, Գր. Զիլինկիրյանի, Ատ. Ոսկանյանի, Կ. Փանոսյանի և Հ. Պարոնյանի պարբերականները: Սակայն այս ցանկը ամբողջական չէր լինի, եթե անտեսվեր «Ասիայի» նշանակությունը, մի պարբերականի, որի արժեքավորումը առաջին անգամ տրվել է Մ. Փորթուզալյանի կենսագրությանը նվիրված էջերում: Իր առաջավոր հասարակական ուղեգծի շնորհիվ այդ թերթը արժանի է լուրջ խաղաղության, մանավանդ այն ժամանակահատվածում, երբ խմբագիրը Մ. Փորթուզալյանն էր (1873 թ. դեկտեմբերի 1-ից մինչև 1874 թ. հոկտեմբերի 21-ը՝ նրա հրատարակության դադարումը):

«Ասիայի» էջերում առանձնապես նկատելի է ոչ միայն Հ. Պարոնյանի ու նրա «Մեղվի» նկատմամբ մշտապես դրսևորվող համակրանքը, այլև հասարակական միևնույն սկզբունքների միաժամանակյա պաշտպանությունը: «Թիյաթրո» երգիծական թերթի հրատարակության առթիվ «Ասիան» համա-

7 Ա. Ալաոյան, Պատմություն Եվդոկիո հայոց, Կահիրե, 1952, էջ 1087.

ոռոտ ուրվագծում է Հ. Պարոնյանի բարձր արվեստը երգիծանքի ժանրում և նրա մեծ «հաջողակությունը» ընթերցողների շրջանում: Մ. Փորթուգալյանը բարձր գնահատական է տվել Հ. Պարոնյանի պարբերականների բովանդակությանը և հետամտած նպատակներին: Նա վճռականորեն հակադրվում է երգիծական մամուլի նկատմամբ թուրքական գրաքննության հալածական քաղաքականությանը: Եթե գրաքննությունը զավեշտաթերթի վրա հարձակվելիս մատնացույց էր անում յնդհանրապես երգիծանքի ժանրի հասարակական «վտանգավորությունը և բարոյական ալյասերվածությունը», ապա Փորթուգալյանը, ինչպես և Հ. Պարոնյանը, հիմնավորում էր երգիծանքի հենց հասարակական անհրաժեշտությունը: Նա ընդգծում էր, որ «ընտանեկան և ազգային կյանքին մեջեն հոռությունները բառնալու, ծանծաղմտությունը և ավանդամոլությունը հավասարապես հարվածելու համար ծաղրաթերթերուն պետքը խիստ զգալի է»⁸:

Մ. Փորթուգալյանը առանձնապես գնահատում էր ժողովրդական ուղղություն ունեցող և հասարակական արատները մերկացնող երգիծական պարբերականները: Հ. Պարոնյանի «Թատրոնը» այս իմաստով գաղափարական մերձավոր առնչություններ ուներ «Ասիայի» հետ: Դրանց մեջ առավել աչքի են զարնում սուր հակադրությունները Ազգային վարչության լիբերալ գործիչների, ինչպես և հետադիմական կրոնական ժողովի հետ: Ուշագրավ է, որ Մ. Խրիմյանի հեռանալուց հետո ե՛ «Թատրոնը», և՛ «Ասիան» քննադատեցին պատրիարք Ներսեսին՝ Ելալաթիո օճախի՝ մարդկանց (Խրիմյանի հակառակորդների) կողմը հակվելու համար, որը կաշկանդում էր պատրիարքարանի գործողության ազատությունը: «Ասիան» առարկում էր պատրիարքին՝ վանեցի Պողոսին և նրա խմբակցությանը ղեղումներ անելու համար, մի վերաբերմունք, որ նկատելի է նաև «Թատրոնում», որը և հանդես էր գալիս ն. Նար Պեյի, Պողոսի, Ամբրոսիոս վարդապետի ու նրանց աշխարհիկ հովանավորների դեմ: «Մեղուն», ինչպես և «Թատրոնը» քանիցս խափանվել են սրանց դեմ ուղղված համարձակ քննադատության համար: Ազգային վարչությունը գործի էր դնում իր բոլոր հնարավորությունները՝ լոնցնելու «Թատրոնը» և «Ասիան»: 1874 թ. հուլիսին դեմոկրատական մամուլի դեմ քաղաքական ժողովը հանդես եկավ պաշտոնական հայտարարությամբ, որով փորձում էր հիմնավորել յուրատեսակ ազգային գրաքննության անհրաժեշտությունը՝ օսմանյանին զուգահեռ: Հայտարարության մեջ դատապարտվում են այն թերթերը, որոնք «թշնամական և անարգական» կերպով «են խոսում երեսփոխանական ժողովի և երեսփոխանների դեմ: Քաղաքական ժողովի ատենապետ Սիմոն Մաքսուտը բացահայտորեն արտահայտվում էր մամուլը զսպելու օգտին: Ի պատասխան զր. «Ասիան» նկատում էր, որ հայտարարության հեղինակները ցանկանում են մամուլը ղրկել քննադատության իրավունքից: Նշված հայտարարությունը Մ. Փորթուգալյանի կարծիքով հիշեցնում էր 1867 թ. փետրվարի 12-ի «Ժամանակավոր որոշումը», որի ուժով թուրքական իշխանությունները մամուլի վրա դրել էին քաղաքական ճնշման լուծը»⁹:

«Ասիան» պաշտպանել է Հ. Պարոնյանին՝ Գ. Այվազյանի հետ նրա վարած բանավեճի ժամանակ: Մ. Փորթուգալյանը ևս Գ. Այվազյանին ներկայացնում է իբրև մի խմբագրի, որը հոգևածները գրել է տալիս ուրիշներին և ստորագրում իբրև հեղինակ: Դիտողությունը, որ ի դեպ, հետագայում կրկնում էր նաև Ա. Արփիարյանը, մեր կարծիքով, թելադրված է զուտ բանավեճային կրթով: Գ. Այվազյանը իր հանդեսը տպագրել և խմբագրել է 1869—1882 թթ. և այս երկար ժամանակամիջոցում գրել տալ միշտ ուրիշներին և ներկայանալ իբրև անփոփոխ հեղինակ՝ նա չէր կարող: Կարծում ենք, որ

⁸ Ասիա, 7. X. 1874.

⁹ Ասիա, 31. VII. 1874.

¹⁰ А. Д. Желтяков, Печать в общественно-политической и культурной жизни Турции. М., 1972, с. 93.

խոսքը կարող է վերաբերել նրա հեղինակած նյութերի խմբագրմանը և ոչ ավելին:

«Թատրոնի» և «Ասիայի» համագործակցությունը առավել նկատելի է հալ եկեղեցու բարենորոգման, մտավորականության ջանքերով նրա թերությունները վերացնելու ջանքերի մեջ: Անդրադառնալով այդ համագործակցությանը, Ա. Ալպոյաճյանը նշում է. «Իրեն (Մ. Փորթուգալյանի—Ա. Խ.) հետ այս պայքարին մեջ համաձայն էր Հակոբ Պարոնյան՝ իր «Թատրոնով»¹¹:

Դիտողությունը միանգամայն ճշմարիտ է, սակայն հարցը չի սպառնում սոսկ համեմատությամբ, իր համագործակցությանը Հ. Պարոնյանը տվել է անսխալական բնույթ՝ աշխատակցելով Մ. Փորթուգալյանի թերթին: «Ասիայում» տպագրված նրա թղթակցությունները, որքան մեղ հայտնի է, մնացել են անհայտության մեջ և դուրս են մնացել երգիծաբանի երկերի ժողովածուներից: «Ասիայում» նա տպագրել է յոթ հոդված¹², բոլորն էլ միևնույն թեմայով և վերաբերում են Ամբրոսիոս վարդ. Իսկենդերյանի բարոյական վարքագծին և այս առթիվ՝ ազգային մարմինների վերաբերմունքին: Առաջին հոդվածը կրում է «Թատրոնին երբեմն հուշարարը» («Ասիայի» 1874 թ. հուլիսի 22-ի և 24-ի համարներում) ստորագրությունը, իսկ մյուսները՝ «Հուշարար», որ «Թատրոնում» հանդիպող՝ Հ. Պարոնյանի լավ հայտնի ծածկանուններից է: Չնայած իրենց թեմատիկ միօրինակությանը, Պարոնյանի այս հոդվածները լուրջ ուշադրության են արժանի իրենց քննադատական ոգու, ինչպես և այն տեսակետից, որ կոնկրետություն են մտցնում ժամանակի կրոնական ու քաղաքական ժողովների դեմ մեծ երգիծաբանի ծավալած պայքարի հետևողականության վերաբերյալ մեր պատկերացումների մեջ:

«Ասիայում» Պարոնյանի շարունակական ելույթների պատճառը Ամբրոսիոսի գայթակղիչ սիրային կապերն էին: Գործը հասել էր Բերայի ոստիկանական ատյանին և սպառնում էր ստվեր նետել կղերի հեղինակության վրա: Այս դատին Պարոնյանը անդրադարձել էր դեռևս «Մեղվում»՝ 1874 թ. փետրվար-մարտին: Հակառակ «Օրագրի», «Մասիսի» և «Հայրենիքի», որոնք կոծկել էին ճշմարտությունը և հայտնել, թե ոստիկանության ատյանը դատը վճռել է Ամբրոսիոսի օգտին, Հ. Պարոնյանը նշում էր, որ պատրիարքարանք. ստացել է պաշտոնական գրություն, որ վարդապետի համար «նպատակովոր կերպարանք մը չունի և խնդիրը դարձյալ պատրիարքարանի քննության կհանձնեն»¹³: Այս խնդրի կապակցությամբ Հ. Պարոնյանը հոդվածներ է տպագրել «Թատրոնի» 1874 թ. մայիսի 1-ի և 25-ի համարներում, նույն՝ «Հուշարար» ստորագրությամբ: Պարոնյանը քննադատում է կրոնական ժողովին այն բանի համար, որ կասկածելի համբավի տեր մեկին նշանակել է Բերայի ս. Հարություն եկեղեցու քարոզիչ՝ հասարակայնությունից թաքցնելով պատրիարքարանին ուղղված դատական գրությունը:

Իր առաջին հոդվածում, որ վերնագրված է «Խառն ժողովին պաշտոնական ծանուցումը ե Ամբրոսիոս վարդապետ», Պարոնյանը շարունակում է «Թատրոնում» հայտնած իր դիտողությունները. խնդիրը դեռևս պարզված չէ, մինչդեռ «Ղալաթի ոճախի» կուսակիցները Ամբրոսիոսին նախ տվել են Բերայի, այնուհետև՝ Ղալաթիայի եկեղեցիների քարոզչի պաշտոնները և ընտրել կրոնական ժողովի անդամ:

Իրանից հետո կրոնական ժողովը հրապարակախոսի վրա ուժեղ ճնշում է գործադրել, սակայն նա որոշել էր գնալ մինչև վերջ: «Ասիայում» տպագրած հաջորդ հոդվածում՝ «Ոստիկանության պատժական ատենին որոշումը և Ամբրոսիոս վարդապետ» վերնագրով, նա հայտնում է իր դեմ սկսված հարձակումների մասին: Համառոտ խոսքով ներկայացվում է ճշմարտության համար մարտնչող հրապարակախոսի դժվարին կացությունը: «Ամբրոսիոսի պաշտպանները,—գրում է նա,—մեր նախորդ հոդվածին վրա սաստիկ զայրացել են. ասիկա զարմանալի չէ սակայն: Ամեն անգամ, որ ճշմարտություն պաշտ-

¹¹ Ա. Ալպոյաճյան, նշվ. աշխ., էջ 1088:

¹² Ասիա, 22. VII., 24. VII., 1. VIII., 2. IX., 24. IX., 25. IX., 30. IX., 20. X. 1874:

¹³ Մեղու, 6. II. 1874:

պանելու կեննեք հրապարակի վրա, պետք է միանգամայն մեր անձն ալ պաշտպանելու պատրաստվինք անխորհուրդ հարձակումներու և անիրավ շա-
րախոսութիւններու դեմ»¹⁴։ Հոգւածում «Հուշարարը» զեանդել է դատավճռի
թուրքերէն բնագիրը և դրա հայերէն թարգմանութիւնը։ Ակնեռն է, որ Բե-
րայի ոստիկանութեան պատժական ատանը տեղի էր տվել վարդապետի ազ-
դեցիկ հովանավորներին և կարճել էր գործը, մանավանդ որ թուրքական իշ-
խանութիւնները թանգիմաթի բարեփոխումներից հետո ևս շարունակում էին
ճանաչել եկեղեցականին դատելու՝ արեւմտահայ կրօնական մարմինների իրա-
վասութիւնը։ Հրապարակախոսը, մինչդեռ, հարցը առկախ է համարում և
հառն ժողովից պահանջում է վերաքննել վարդապետի հարցը։

Իր մյուս հոգւածում «Հուշարարը» մերկացնում է քաղաքական ժողովի ան-
դամներից մեկին, որն այցելել էր Բերայի մյուսասարըֆին և բարեխոսել Ամ-
բրոսիոսի օգտին։ Հոգւածում որեւէ ուղղակի խոսք չի ասվում թուրքական
պաշտոնների հասցեին, սակայն քաղաքական ժողովին ուղղված նրա մեր-
կացումները տարածվում են նաև իշխանութիւնների վրա, իբրև ճշմարտու-
թիւնը խեղաթուրող կողմի։

Իր հետագա ելույթներում «Հուշարարը» քննադատութեան է ենթարկել
կրօնական ժողովի անդամներին՝ վարդապետի հանդեպ կողմնակալ վերա-
բերմունքի համար։ Հրապարակախոսը լայն ընդհանրացումներ է անում կղե-
րի արժանապատվութեան, նրա բարոյական նկարագրի, հասարակական ազ-
դեցութեան և դրան առնչվող խնդիրների շուրջ, որոնք արդեն գագարում են
զուտ մեկ անձի վերաբերելուց և ստանում են սուր հնչելություն։ Այսպես,
«Հուշարարի» վերջին հոգւածից պարզվում է, որ դեռևս «Թատրոնի» մեջ Ամբ-
րոսիոսի դեմ տպագրած նյութերի համար այդ վարդապետը դատ էր բացել
Պարոնյանի դեմ։ «Ասիայի» էջերում «Հուշարարի» փաստացի մերկացում-
ներից հետո, ինչպես երևում է, Ամբրոսիոսը խոհեմաբար ընթացք չի տվել
գործին, սակայն հառն ժողովի իր հովանավորների միջամտութիւնից և իրեն
անմեղ ճանաչելու մասին այդ ժողովի հայտարարութիւնից հետո նա դարձ-
յալ անիրավվածի կեցվածք է ընդունել և սպառնացել նորոգելու դատը։
«Ըստ ուրախ եմ,—գրում է «Հուշարարը»,—որ իմ փափաքս պիտի լեցվի
վերջապես, դի քննություն պահանջելի բնավ դադարած չեմ, ամեն ատեն
պատրաստ կեցած եմ ուր որ ալ լլլա՝ դատվելու և վճռագրույն մեջ հրատա-
րակված պարագաներուն հենլով՝ ապացուցանելու, թե «Թատրոնի» և թե
«Ասիո» մեջ հրատարակած հոգւածներու մինչև հետին նշանախեցը»¹⁵։

Առհասարակ «Ասիայում» «Հուշարարի» հոգւածները կղերի թերութիւն-
ների հանդեպ հեղինակի վերաբերմունքը ամբողջացնելուց բացի, նպաստում
են պարզելու նաև նրա որոշ կենսագրական հանգամանքները։ Տպագրելով
«Հուշարարի» հոգւածները, Մ. Փորթուզալյանը լիովին բաժանել է Հ. Պարոն-
յանի դժվարին կացութիւնը։ Հարկ է հիշեցնել, որ 1864 թ. դեկտեմբերի օս-
մանյան մամուլի օրենքի 7-րդ հոգւածով պարբերականի խմբագիրը կամ
տնօրենը պատասխանատու էր տպագրած բոլոր նյութերի համար։ Այն են-
թադրում էր, որ անկախ դատապարտելի նյութի հեղինակի ինքնութիւնից,
պարբերականի խմբագիրը (տնօրենը) «այն հոգւածին հեղինակին կամ հեղի-
նակներուն հետ իբրև մեղսակից պիտի դատվի»¹⁶։

Ամբրոսիոսի կողմից Հ. Պարոնյանի դեմ դատ բանալու փաստը լույս է
սփռում «Ասիայում» «Հուշարարի» հանգես գալու պատճառների վրա։ Նախ,
«Ասիան» էր այն միակ հրատարակութիւնը, որը գաղափարական ու գործ-
նական կապեր ուներ «Թատրոնի» հետ և լիովին պաշտպանում էր նրա ըն-
թացքը։ Երկրորդ, «Թատրոնից» բացի մի ալլ պարբերականում վարդապե-
տի մերկացումը հավելյալ փաստերով էր հիմնավորելու «Հուշարարի» քնն-
նադատական ելույթները կրօնական ժողովի և նրա հովանավորյալի նկատ-

¹⁴ Ասիա, 1. VIII. 1874.

¹⁵ Ասիա, 20. X. 1874.

¹⁶ Մասիս, 19. XII. 1864.

մամբ: Այս անդամաձևները իրենց կնիքն են դրել «Ասիայում» «Հուշարարք» հոգվածների ոճի վրա: Առհասարակ, բացառիկ դեպքերում է միայն, որ Պարոնյանը խուսափում է Լրգիծանքի հնարներից և դիմում հրապարակախոսական ուղղակի խոսքի: «Ասիայում» տպագրած խնդրո առարկա հոգվածները չունեն Լրգիծական-դեղարվեստական տարրեր և կառուցված են զուտ փաստերի ու տրամաբանական եզրակացությունների վրա: Տվյալ դեպքում երգիծական ոճի Լրկիմաստությունը նպատակահամարում չէր կարող լինել գործնական պայքարի մեջ մտած Պարոնյանի և Փորթուգալյանի համար: Չպետք է մոռանալ, որ երգիծաբանի աշխարհիկ ու կղերական թշնամիները միջոցների մեջ երբևէ ընտրություն չեն դրել «Թատրոնը» (և ընդհանրապես, Պարոնյանի խմբագրած բոլոր պարբերականները) խափանելու համար և այս հարցում միշտ գտել են իշխանությունների պատրաստակամ աջակցությունը: Կարծում ենք, շփոթության չպետք է մատնի այն հանգամանքը, որ «Հուշարարք» երբեմն դիմում է Պարոնյանին՝ ինչպես «մեր մտերիմ ու խելացի բարեկամը» Պարոնյան էֆենտին» կամ «Ամբրոսիոսը դատ բացած էր Պարոնյան էֆենտիի դեմ» և այլն¹⁷, ինչդիրն այն է, որ Պարոնյանը անձնավորել է իր ծածկանունը և այն դարձրել պետոնած, որը իբրև ինքնուրույն անձ, կարող էր դիմել ցանկացած մեկին, այդ թվում և իրեն՝ Պարոնյանին: Այսպես, մի տեղ նա հայտնում է ընթերցողներին. «Թատրոնը», ինչպես որ կտեսնեն իր ընթերցողներն, այսօրվան օրս բավական խմբագիրներ ունի, որոնք «Հուշարարք», «Բելիարք», «Խիկարք», «Ծն», «Դուռն», «Հեփեստոս» և այլ ստորագրություններով «Թատրոնին» զարդը եղած են»¹⁸: Այսպիսի գրելաձևը բավական տարածված էր ժամանակի լրագրության մեջ (Մ. Նալբանդյանի Կոմս էմմանուելը, Հ. Մըվաճյանի Մհուխեչյան, Մ. Մամուրյանի Շահնուրը և այլն):

Ամբոստիոսի և կրոնական ժողովի սկզբունքալիս մերկացումները, որտեղ «Ասիան» և «Թատրոնը» չվարանցեցին ազգային քինախնդիր գործիչների և անգամ պատրիարքի քննադատությունից, չէր կարող մնալ առանց հետևանքի: Համարձակ խոսքին նրանք այլ բան չէին կարող հակադրել, բացրկտրուկ գործողությունները: 1874 թ. հոկտեմբերի 21-ին երկու պարբերականներն էլ դադարեցվեցին տպագրական տեսչության կողմից. «Ասիան»՝ ընդմիջտ, իսկ «Թատրոնը»՝ երկու ամսով: Տպագրական տեսչության ազդում հայտնվում էր, որ «Ասիան» դադարեցվում է պատրիարքարանի դեմ վնասակար լուրեր տպագրելու պատճառով: Զաչորդ օրը՝ հոկտեմբերի 22-ին Մ. Փորթուգալյանը հանդես եկավ առանձին հավելվածով¹⁹, որտեղ սուր քննադատության ենթարկեց պատրիարքին և ազգային հետադիմությանը՝ իր թերթի հետ հաշվհարդար տեսնելու համար: Հավելվածից պարզվում է, որ պատրիարքը իշխանությունների առջև «Ասիան» ներկայացրել է իբրև ժողովրդին պատրիարքարանի դեմ գրգռող հրատարակություն: Մ. Փորթուգալյանը նկատում է, որ Սիմոն Մաքսուտը ևս «մի քանի անգամ մեծ. եպարգոսին ներկայացրել և թախանձով աղաչել է «Ասիան» ժամ առաջ դադրեցնելու համար»²⁰: Ինչ վերաբերում է «Թատրոնին», ապա դրա խափանման կոնկրետ առիթը եղել էր Ազգային ժողովում: Հ. Տատյանի վարքագծի համարձակ քննադատությունը (Հ. Պարոնյանի «Սահմանադրության մեջ ազնվապետություն», «Շնորհ և իրավունք» հոդվածները)²¹, ի դեպ, ազգային ջոջերի

17 Աւիւ, 22. VII. 1874, 20. X. 1874.

18. Ն. Պարոնյան, Երկերի ժողովածու, հ. 9, Երևան, 1975, է. 184:

19 1864 թ. դեկտեմբերի լրագրական օրենքով չէին կարգավորվել հավելվածների հրատարակության կանոնները, ուստի, դրանից օգտվելով, խմբագիրները կարողանում էին սպառել նաև խափանված համարի հավելվածը, որը հնարավորություն էր տալիս հայտնել խափանման պատճառների մասին:

20 Ասիա, 22. X. 1874, Հավելվածի

21 *Բապտիզմ*, 10, X, 1874, 14, X, 1874,

կամայականությունների դեմ ուղղված «Թատրոնի» այս հրապարակումները պաշտպանվեցին «Ասիայի» էջերում²²։

Դեմոկրատական պարբերականների խափանումը անբավականության արձագանք գտավ հայ առաջավոր մտավորականության շրջանում։ Խնդիրը միանգամայն սպառիչ կերպով բնութագրեց Բաֆֆին. «Կրոնական ժողովի նախագահությունը, — գրում է նա, — որ դարձած էր Կ. Պոլսի լրագրությանը, որ նրանք եկեղեցականների վերաբերյալ անդեկությանց մեջ համեստություն պահպանեն, նրանց անձնականությանը չդպչեն և այլն, այդ հոռմեական կուժը խեղճ «Ասիայի» գլխին կոտրվեցավ. լրագիրը դադարեցավ յուր գործունեությունից։ Կրոնական ժողովը փոխանակ լրագրության ձայնը լռեցնելու, ավելի լավ կաներ՝ հոգևորականներին ուղղեր»²³։

Կերբ ասվածը թույլ է տալիս եզրակացնելու, որ «Ասիա» թերթը լրացրել է դեմոկրատական հրատարակությունների շարքը՝ պաշտպանելով «Մեղվի» և «Թատրոնի» հասարակական և գաղափարական ուղեգիծը։ Այս իմաստով «Ասիան» կարևոր արժեք է ստանում 1870-ական թվականներին՝ Մ. Փոքթուզայանի ազգային ու հասարակական գործունեության և հայացքների ուսումնասիրության տեսակետից։ Կ. Պոլսի ազգային մարմինների և մասնավորապես եկեղեցականության ոչ արժանավոր ներկայացուցիչների հանդեպ իր քննադատական վերաբերմունքով «Ասիան» համագործակցել է «Թատրոնի» խմբագրի հետ։ «Ասիայում» են տպագրվել Հ. Պարոնյանի մինչև օրս անհայտ մնացած թվով յոթ թղթակցությունները՝ «Թատրոնին» հրեման հուշարարը» և «Հուշարար» ստորագրություններով։

СОТРУДНИЧЕСТВО АКОПА ПАРОНЯНА В ГАЗЕТЕ «АСИЯ»

А. А. ХАРАТЯН

Р е з ю м е

Константинопольская армянская газета «Асия» в период редакторства М. Португальяна (1 декабря 1873—21 октября 1874) придерживалась демократического направления. Идеологически она была созвучна газетам «Мегу» и «Татрон», издававшимся крупнейшим армянским сатириком А. Пароняном. Эти связи стали более действенными, когда на страницах «Асия» было опубликовано семь статей А. Пароняна (с псевдонимами «Татронин ербеми ушарар» и «Ушарар»), которые по сегодняшний день оставались неизвестными исследователям и не вошли в собрания сочинений писателя.

COLABORATION OF HACOB PARONIAN IN THE NEWSPAPER "ASIA"

A. A. KHARATIAN

S u m m a r y

The Armenian newspaper "ASIA" in Constantinople at the period of editorship by A. Portugalian (1 Dec. 1873—21 Oct. 1874) was keeping to the democratic trend. Ideologically it was consonant with papers „MEGHU" and "TATRON" published by a major Armenian satirical writer A. Paronian.

These links became more efficient when published on the pages of "ASIA" there appeared seven articles by A. Paronian (under the pen names of "TATRONI ERBEMN USHARAR" and "USHARAR"), which to date have been unknown to scholars and have not been included into the author's selected works.

²² Ասիա, 20. X. 1874.

²³ Մշակ, 16. I. 1875.